



KOMUNIKADO PA PRENSA

METEO TA ATKERÍ RET DI STASHÒN OUTOMÁTIKO PA MONITORIÁ WER NA KÒRSOU

Willemstad – Servisio Meteorológiko Kòrsou ta informá komunidat ku den kuadro di e proyekto 'Institutionele Versterking en Bestuurskracht' (IVB) di USONA, Servisio Meteorológiko Kòrsou a risibí fondo pa asina intensifiká su tarea di vigilansha pa wer ekstremo, na bienestar di nos komunidat. Un di e aspektonan ku ta importante ta di por tin e posibilidat pa monitoriá i kuantifiká e kaida di áwaseru na un manera mas rápido. Durante di pasashi di Tormenta Tropikal *Tomás* (1 pa 2 di novèmber 2010), esaki a resultá di ta hopi krusial. Mirando esaki, USONA i Gobièrnu di Kòrsou a bai di akuerdo ku e proyekto di Meteo.

E ret di stashonnan aki, ku a wòrdu instalá último lunanan, ta duna Meteo e posibilidat di registrá kondishonnan lokal riba Kòrsou den tempu real. E diferente lugánan a wòrdu selektá a base di nan representatividat pa un área spesífiko. Usando e informashon aki, Meteo mes ora lo engrandesé su kapasidat pa haña konfirmashon di e situashon aktual. Asina Servisio Meteorológiko por duna nos públiko informashon mas presis tokante di menasa pa inundashon na sierto áreanan. Tur e informashon aki lo wòrdu poné riba nos página di Internet (<http://www.meteo.cw>) i por sigui haña informashon tambe riba nos página di Facebook (<http://www.facebook.com/meteo.curaçao>).

Meteo ke gradisí tambe CPA, UTS i e boluntarionan pa nan kolaborashon ku asina nos por hasi uso di e lokalidatnan aki i monitoriá kondishonnan di wer na e diferente lugánan. Meteo lo sigui hasi su esfuersonan pa asina engrandesé vigilashon pa wer ekstremo, ku por menasá Kòrsou.

| Station | Rain last minute | Rain accumulation since 8:00 AM | Temperature | Humidity | Wind Direction | Wind Speed | Last updated |
|----------------|------------------|---------------------------------|--------------------|----------|-------------------------|-------------------------|------------------|
| Klein Kwartier | 0.2 mm | 1.6 mm | 24.8 °C 76.6 °F | 94.5 % | South East (164.92°) | 5.5 Knots 10.2 Km/h | 11/05/2014 10:00 |
| Onvervacht | 0.4 mm | 3.4 mm | 25.6 °C 78.1 °F | 92.6 % | South East (149°) | 4.2 Knots 7.8 Km/h | 11/05/2014 10:00 |
| Santa Maria | 0.8 mm | 5.2 mm | 24.8 °C 76.6 °F | 96.1 % | South East (145°) | 3.5 Knots 6.5 Km/h | 11/05/2014 10:00 |
| Seinpost | 0 mm | 0.4 mm | 24.8 °C 76.6 °F | 84.8 % | South East (134.5°) | 22.4 Knots 41.5 Km/h | 11/05/2014 10:01 |
| Ser'i Kokori | 0 mm | 1.2 mm | 25.2 °C 77.4 °F | 88.2 % | South East (135.02°) | 16.2 Knots 30 Km/h | 11/05/2014 10:00 |
| Sint Annabaal | 1 mm | 15 mm | 24.5 °C 76.1 °F | 97.4 % | (°) | 14.9 Knots 27.6 Km/h | 11/05/2014 10:02 |
| Steenrijk | 0.4 mm | 10 mm | 25 °C 77 °F | 93.1 % | South East (158.7°) | 2.4 Knots 4.4 Km/h | 11/05/2014 10:00 |
| Sumbu | 0 mm | 0 mm | 29.2 °C 84.6 °F | 74.7 % | South East (125.09°) | 5.9 Knots 10.9 Km/h | 11/05/2014 10:00 |



Ehèmpel di informashon di wer mas resien riba nos website